

慧日佛學班第 11 期／福嚴推廣教育班第 22 期

《大智度論》卷 72

〈釋大如品第五十四〉¹
 (大正 25, 562b8-570a11)

釋厚觀 (2011.11.12)

【經】

壹、歎佛菩提甚深

(壹) 諸天歎，佛述成

一、甚深歎

(一) 諸天歎

1、正歎：佛菩提甚深

爾時，欲界諸天子、色界諸天子以天末栴檀香，以天青蓮華、赤蓮花、紅蓮華、白蓮華遙散佛上，來至佛所，頂禮佛足，一面住，白佛言：「世尊！諸佛阿耨多羅三藐三菩提甚深、難見、難解、不可思惟²知、微妙寂滅，智者能知，一切世間所不能信。³」

2、釋歎：諸法與薩婆若如相無二無別

何以故？是深般若波羅蜜中，如是說：『色即是薩婆若，薩婆若即是色；乃至一切種智即是薩婆若，薩婆若即是一切種智。色如相、薩婆若如相，是一如，無二無別；乃至一切種智如相、薩婆若如相，一如，無二無別。』⁴

¹ (大智……二) 十六字 = (大智度論釋卷第七十二釋大如品第五十四) 十八字【宋】， = (大智度論釋卷第七十二釋大如品第五十四品) 十九字【宮】， = (摩訶般若波羅蜜品第五十三大如品) 十五字【石】。(大正 25, 562d, n.11)

² 惟 = 議【宋】【宮】。(大正 25, 562d, n.13)

³ (1) 《放光般若經》卷 12 〈55 歎深品〉：

爾時，諸欲天子、諸色天子以天名花而散佛上，來詣佛所，頭面作禮，叉手白佛言：「世尊！是般若波羅蜜甚深，難曉難了，不可思議。是智者之所知，是一切世間所可信者……。」(大正 8, 83b12-15)

(2) 《大般若波羅蜜多經》卷 446 〈52 真如品〉：

爾時，欲界、色界諸天各持天上旃檀香末、多揭羅香末、多摩羅香末，復持天上嚙鉢羅花、鉢特摩花、拘某陀花、奔荼利花，遙散佛上，來詣佛所，頂禮雙足，却住一面，合掌恭敬白言：「世尊！如是般若波羅蜜多最為甚深，難見難覺、不可尋思、超尋思境、微妙沖寂，聰敏智者之所能知，非諸世間皆能信受，即佛無上正等菩提。」(大正 7, 251c23-252a1)

(3) 案：《放光般若經》與《大般若波羅蜜多經》(二分本)皆說「般若波羅蜜多甚深難見」，但《摩訶般若波羅蜜經》說「諸佛阿耨多羅三藐三菩提甚深難見」。不過如《大智度論》卷 72 〈54 大如品〉云：「阿耨多羅三藐三菩提即是般若波羅蜜，但名字異——在菩薩心中為般若，在佛心中名阿耨多羅三藐三菩提。」(大正 25, 563c9-11) 又《大智度論》卷 79 〈66 囑累品〉云：「諸法實相有種種名字：或說空，或說畢竟空，或說般若波羅蜜，或名阿耨多羅三藐三菩提。」(大正 25, 618b28-c1)「般若波羅蜜」有種種異名，「阿耨多羅三藐三菩提」亦為其一。

⁴ (1) 《大般若波羅蜜多經》卷 446 〈52 真如品〉：「一切如來、應、正等覺於此般若波羅蜜多甚

（二）佛述成

1、述歎

佛告欲、色界諸天子：「如是！如是！諸天子！色即是薩婆若，薩婆若即是色；乃至一切種智即是薩婆若，薩婆若即是一切種智。色如相乃至一切種智如相，一如，無二無別。

諸天子！以是義故，佛初成道時，心樂嘿⁵然，不樂說法。

2、釋歎

（1）釋心樂默然

何以故？是諸佛阿耨多羅三藐三菩提法甚深、難見、難解、不可思惟知、微妙寂滅，智者能（562c）知，一切世間所不能信。何以故？阿耨多羅三藐三菩提，無得者、無得處、無得時，是名諸法甚深相——所謂無有二法。⁶

（2）廣舉法喻歎

諸天子！如虛空甚深故，是法甚深；如甚深故，是法甚深；法性甚深、實際甚深、不可思議、無邊甚深故，是法甚深；無來無去甚深故，是法甚深；不生不滅、無垢無淨、無知無得甚深故，是法甚深。

諸天子！我甚深乃至知者、見者甚深故，是法甚深。

諸天子！色甚深、受想行識甚深故，是法甚深；檀波羅蜜甚深乃至般若波羅蜜甚深故，是法甚深；內空乃至無法有法空甚深故，是法甚深；四念處甚深乃至一切種智甚深故，是法甚深。」

二、無受無捨歎

（一）諸天歎

爾時，欲、色界諸天子白佛言：「世尊！是所說法，一切世間所不能信。

世尊！是甚深法，不為受色故說，不為捨色故說；不為受受、想、行、識故說，不

深經中，皆作是說：色即是一切智智，一切智智即是色；受、想、行、識即是一切智智，一切智智即是受、想、行、識——如是乃至一切智即是一切智智，一切智智即是一切智；道相智、一切相智即是一切智智，一切智智即是道相智、一切相智。所以者何？若色真如，若一切智智真如，若一切法真如，皆一真如無二無別，亦無窮盡；若受、想、行、識真如，若一切智智真如，若一切法真如，皆一真如無二無別，亦無窮盡——如是乃至若一切智真如，若一切智智真如，若一切法真如，皆一真如無二無別，亦無窮盡；若道相智、一切相智真如，若一切智智真如，若一切法真如，皆一真如無二無別，亦無窮盡。」（大正 7，252a1-15）

（2）不二法。（印順法師，《大智度論筆記》〔E007〕p.299）

⁵ 嘿（ㄏㄟˋ）：1.嘆詞。表示贊嘆、驚異；也作「嘿」（ㄏㄟˋ）：同“默”。（《漢語大詞典》（三），p.508）

⁶ 《大般若波羅蜜多經》卷 446〈52 真如品〉：

佛告欲界、色界天言：「如是！如是！如汝所說。諸天當知！我觀此義，心恒趣寂不樂說法。所以者何？此法甚深難見難覺，不可尋思，超尋思境，微妙沖寂，聰敏智者之所能知，非諸世間皆能信受，所謂如是甚深般若波羅蜜多即是如來、應、正等覺所證無上正等菩提。諸天當知！如是無上正等菩提，無能證、非所證、無證處、無證時。諸天當知！此法深妙不二現行，非諸世間所能比度。」（大正 7，252a15-23）

為捨受、想、行、識故說；⁷不為受須陀洹果故說，不為捨須陀洹果故說；乃至不為受一切種智故說，不為捨一切種智故說。

諸世間皆受著行，所謂色是我、是我所，受、想、行、識是我、是我所，乃至十八不共法是我、是我所；須陀洹果是我、是我所，乃至一切種智是我、是我所。」⁸

（二）佛述成，並顯取諸法而行之過失

佛告諸天子：「如是！如是！諸天子！是法非為受色故說，非為捨色故說；乃至非為受一切種智故說，非為捨一切種智故說。

諸天子！若有菩薩為受色故行，乃至為受一切種智故行，是菩薩不能修般若波羅蜜，不能修禪波羅蜜、毘梨耶波羅蜜、羸提波羅蜜、尸羅波羅蜜、不能修檀波羅蜜，乃至不能修一切種智者。」

（貳）須菩提歎

一、隨順歎

須菩提白佛言：「(563a) 世尊！是法隨順一切法。云何是法隨順一切法？是法隨順般若波羅蜜，乃至隨順檀波羅蜜；⁹是法隨順內空，乃至隨順無法有法空；是法隨順四念處，乃至隨順一切種智。

二、無礙歎

是法無礙——不礙於色，不礙受、想、行、識，乃至不礙一切種智。

諸天子！是法名無礙相，如虛空等故，如、法性、法住、實際、不可思議性等故，空、無相、無作等故。¹⁰

三、不生歎

是法不生相——色不生，不可得故；受、想、行、識不生，不可得故；乃至一切種智不生，不可得故。

⁷ 《大般若波羅蜜多經》卷 446〈52 真如品〉：

時，諸天眾白言：「世尊！此所說法甚深微妙，非諸世間卒能信受。所以者何？此深妙法不為攝取色故說，不為棄捨色故說；不為攝取受、想、行、識故說，不為棄捨受、想、行、識故說。」（大正 7，252b8-11）

⁸ 《大般若波羅蜜多經》卷 446〈52 真如品〉：「世尊！世間有情多行攝取我我所執，謂色是我、是我所，受、想、行、識是我是我所——如是乃至一切智是我是我所，道相智、一切相智是我是我所。」（大正 7，252b15-19）

⁹ 《大般若波羅蜜多經》卷 446〈52 真如品〉：

爾時，具壽善現白佛言：「世尊！此甚深法能隨順一切法。世尊！此甚深法能隨順何等一切法？世尊！此甚深法能隨順般若波羅蜜多，亦能隨順靜慮、精進、安忍、淨戒、布施波羅蜜多。」（大正 7，252c8-11）

¹⁰ 《大般若波羅蜜多經》卷 446〈52 真如品〉：「世尊！此甚深法都無所礙。世尊！此甚深法於何無礙？世尊！此甚深法於色無礙，於受、想、行、識無礙——如是乃至於一切智無礙，於道相智、一切相智無礙。

世尊！此甚深法無礙為相。何以故？世尊！虛空平等性故，真如平等性故，法界乃至不思議界平等性故，空、無相、無願平等性故，無造、無作平等性故，無染、無淨平等性故。」（大正 7，253a4-11）

四、無處歎

是法無處——色處不可得故；受、想、行、識處不可得故，乃至一切種智處不可得故。」¹¹

貳、歎如甚深

（壹）以「如」明隨生，復顯「如來」義

一、諸天讚須菩提是佛子、隨佛生

是時欲、色界諸天子白佛言：「世尊！須菩提是佛子，隨佛生。何以故？須菩提所說皆與空合。」¹²

二、須菩提以「如」辨隨生義

（一）略明

爾時，須菩提語諸天子：「汝等言：『須菩提是佛子，隨佛生。』云何為隨佛生？諸天子！如相故，須菩提隨佛生。」¹³

（二）十門廣釋

1、如相不來不去

何以故？如來如相不來不去，須菩提如相亦不來不去。是故須菩提隨佛生。¹⁴

2、如相畢竟空

復次，須菩提從本已¹⁵來隨佛生。何以故？如來如相即是一切法如相，一切法如相即是如來如相；是如相中亦無如相。是故須菩提為隨佛生。¹⁶

3、如相常住無異

復次，如來如常住相，須菩提如亦常住相；如來如相無異無別，須菩提如相亦無異無別。是故須菩提為隨佛生。¹⁷

4、如相無有罣礙

如來如相無有罣礙處，一切法如相¹⁸亦無罣礙處；是如來如相、一切法如相，一如，無

¹¹ 《大般若波羅蜜多經》卷 446〈52 真如品〉：「世尊！此甚深法都無足迹。何以故？世尊！色足迹不可得故，受、想、行、識足迹亦不可得故——如是乃至一切智足迹不可得故，道相智、一切相智足迹亦不可得故。」（大正 7，253a15-18）

¹² 《大般若波羅蜜多經》卷 447〈52 真如品〉：
爾時，欲、色界天眾復白佛言：「世尊！大德善現佛真弟子隨如來生。所以者何？大德善現諸所說法，一切皆與空相應故。」（大正 7，253a27-29）

¹³ 《大般若波羅蜜多經》卷 447〈52 真如品〉：
爾時，善現告欲、色界諸天眾言：「汝諸天眾說我善現佛真弟子隨如來生，云何善現隨如來生？謂隨如來真如生故。」（大正 7，253a29-b3）

¹⁴ 《大般若波羅蜜多經》卷 447〈52 真如品〉：「所以者何？如來真如無來無去，善現真如亦無來去故，說善現隨如來生。」（大正 7，253b3-4）

¹⁵ 已=以【石】。（大正 25，563d，n.2）

¹⁶ 《大般若波羅蜜多經》卷 447〈52 真如品〉：「如來真如即一切法真如，一切法真如即如來真如，如是真如無真如性，亦無不真如性；善現真如亦復如是，故說善現隨如來生。」（大正 7，253b4-7）

¹⁷ 《大般若波羅蜜多經》卷 447〈52 真如品〉：「如來真如常住為相，善現真如亦復如是，故說善現隨如來生。如來真如無變異、無分別，遍諸法轉；善現真如亦復如是，故說善現隨如來生。」（大正 7，253b7-11）

¹⁸ 〔相〕—【元】【明】【宮】。（大正 25，563d，n.3）

二無別。¹⁹

5、如相無造作者

是如相無作，終不不如，是故是如相一如²⁰，無二無別。是故須菩提為隨佛生。²¹

6、如相無念無分別

如來如相一切處無念無別，須菩提如相亦如是——一切處無念無（563b）別；如來如相不異不別、不可得，須菩提如相亦如是。以是故須菩提為隨佛生。²²

7、如相不離一切法如

如來如相不遠離諸法如相，是如²³終不不如；是故須菩提如不有異，為隨佛生，亦無所隨。²⁴

8、如相出過三世

復次，如來如相不過去、不未來、不現在，諸法如相亦不過去、不未來、不現在。是故須菩提為隨佛生。²⁵

9、如相不在三世如中

復次，如來如不在過去如中，過去如亦不在如來如中；如來如不在未來如中，未來如不在如來如中；如來如不在現在如中，現在如不在如來如中。過去未來現在如、如來如，一如，無二無別。²⁶

10、「諸法如」與「如來如」無二無別

色如、如來如，受想行識如、如來如——是色如、受想行識如、如來如，一如，無二無別；²⁷我如乃至知者見者如、如來如，一如，無二無別；檀波羅蜜如乃至般若

¹⁹ 《大般若波羅蜜多經》卷 447〈52 真如品〉：「如來真如無所罣礙，一切法真如亦無所罣礙。」（大正 7，253b11-12）

²⁰ 〔一如〕—【宋】【元】【明】【宮】。（大正 25，563d，n.4）

²¹ 《大般若波羅蜜多經》卷 447〈52 真如品〉：「若如來真如，若一切法真如，同一真如無二無別、無造無作，如是真如常真如相、無時非真如相，以常真如相、無時非真如相故，無二無別；善現真如亦復如是，故說善現隨如來生。」（大正 7，253b12-16）

²² 《大般若波羅蜜多經》卷 447〈52 真如品〉：「如來真如於一切處無憶念、無分別，善現真如亦復如是，故說善現隨如來生。如來真如無別異不可得，善現真如亦復如是，故說善現隨如來生。」（大正 7，253b16-19）

²³ 如+（相）【石】。（大正 25，563d，n.5）

²⁴ 《大般若波羅蜜多經》卷 447〈52 真如品〉：「如來真如不離一切法真如，一切法真如不離如來真如，如是真如常真如相、無時非真如相；善現真如亦復如是，故說善現隨如來生。雖說隨生而無所隨生，以善現真如不異佛故。」（大正 7，253b19-23）

²⁵ 《大般若波羅蜜多經》卷 447〈52 真如品〉：「如來真如非過去、非未來、非現在，一切法真如亦非過去、非未來、非現在；善現真如亦復如是，故說善現隨如來生。」（大正 7，253b23-26）

²⁶ 《大般若波羅蜜多經》卷 447〈52 真如品〉：「過去真如即如來真如，如來真如即過去真如；未來真如即如來真如，如來真如即未來真如；現在真如即如來真如，如來真如即現在真如。若過去真如，若未來真如，若現在真如，若如來真如，同一真如無二無別。」（大正 7，253b26-c2）

²⁷ 《大般若波羅蜜多經》卷 447〈52 真如品〉：「色真如即如來真如，如來真如即色真如，受、想、行、識真如即如來真如，如來真如即受、想、行、識真如。若色真如，若受、想、行、識真如，若如來真如，同一真如無二無別。」（大正 7，253c2-5）

波羅蜜如、內空如乃至無法有法空如、四念處如乃至一切種智如、如來如，一如，無二無別。」

三、佛示「如來」真義

「須菩提！菩薩摩訶薩得是如故，名為如來。」²⁸

四、現瑞證說

說是〈如相品〉時，是三千大千世界大地六種振²⁹動——東踊³⁰西沒，西踊³¹東沒；南踊北沒，北踊南沒；中央踊四邊沒，四邊踊中央沒。

【論】

壹、歎佛菩提甚深

（壹）諸天歎，佛述成

一、甚深歎

（一）諸天歎

1、歎法甚深

（1）般若有淺深

問曰：若般若波羅蜜無不甚深，何以或時讚甚深？

答曰：般若波羅蜜中，或時分別諸法空，是淺；或時說「世間法即同涅槃」，是深。色等諸法即是佛法，聽者聞說，心信佛語，自智慧不及故言「甚深」。³²譬如河水，有洄³³復深處、有淺處。

（2）釋疑：若法甚深，一切世間所不能信，何以復說

問曰：諸天所讚法甚深，一切世間所不能信，何用說為？

答曰：

A、有兩種一切，此中說明字一切

一切有二種³⁴：一者、名字一切，二者、實一切。³⁵

如此中說名字一切，以多不信故言「一切」。

²⁸（1）《大般若波羅蜜多經》卷 447〈52 真如品〉：「天眾當知！諸菩薩摩訶薩現證如是一切法真如，說名如來、應、正等覺；我於如是諸法真如能深信解，故說善現從如來生。」（大正 7，255a11-14）

（2）案：在《放光般若經》卷 12〈55 歎深品〉（大正 8，84a1-26）是由須菩提問天子，何以說自己為佛真子，而天子作答。玄奘譯《大般若波羅蜜多經》（二分本）卷 446〈52 真如品〉（大正 7，255a11-14）同《摩訶般若波羅蜜經》，乃須菩提自己設問自己回答；然最末句是須菩提告天子，而非佛說。

²⁹ 振＝震【宋】【元】【明】【宮】。（大正 25，563d，n.10）

³⁰ 踊＝涌【宋】【元】【明】【宮】。（大正 25，563d，n.11）

³¹ 踊＝涌【元】【明】*。（大正 25，563d，n.12）

³² 淺——分別諸法空。

般若有淺深—深——世間法即是涅槃。（印順法師，《大智度論筆記》〔B026〕p.163）

³³ 洄（ㄉㄨㄟˋ ㄨㄟˋ）：1.逆流而上。3.水流回旋。4.回旋的流水。（《漢語大詞典》（五），p.1149）

³⁴ 名字一切

二種一切—實一切（印順法師，《大智度論筆記》〔B24〕p.158）

³⁵ 另參見《大智度論》卷 65〈44 諸波羅蜜品〉（大正 25，521b5-6）。

如³⁶此(563c)中說「微妙寂滅，智者能知」，知³⁷者必有信，先信後知故。

B、般若惟佛能知，智慧知己，名為信

復次，是般若波羅蜜，惟佛能知。

眾生聞所說而信者，此中不名為信；智慧知己，名為信。³⁸

(3) 釋疑：若言「般若唯佛能知」，何故言「微妙寂滅智者能知」

問曰：若爾者，何以言「微妙，智者能知」？

答曰：一切世間無能遍盡知諸佛智者，寂滅，智者能知少分。

如須陀洹於無上道得少分——所謂斷三結；如是諸道，展轉增多。³⁹

若世間都不信者，云何有諸道？

以是故言「寂滅，智者能知」。

2、諸法與薩婆若如相無二無別

「阿耨多羅三藐三菩提」即是「般若波羅蜜⁴⁰」，但名字異——在菩薩心中為「般若」，在佛心中名「阿耨多羅三藐三菩提」。⁴¹

是中說「色⁴²等法即是薩婆若，薩婆若即是色等法」。

此中說「色等法如、薩婆若如，無二無別」。

(二) 佛述成

佛可諸天子意，更說因緣：

「如」名「色等諸法真實相」。⁴³譬如除宮殿及諸陋廬⁴⁴，如燒梅檀及雜木，其處虛空無異；色及薩婆若等諸法，求其實，皆是如。

以是義故，佛初成道時，心樂嘿然，不樂說法——知甚深法，凡夫人難悟故。

復次，是法無二故甚深，如虛空故甚深，如、法性⁴⁵等甚深故甚深。

二、無受無捨歎

(一) 諸天歎

爾時，諸天子知是法無可取相，白佛言：「是所說法，一切世間所不能信，是法不為受色等法故說。」

(二) 佛述成，並顯取諸法而行之過失

佛可其言，「若有菩薩為受色等故行菩薩道，不能修般若波羅蜜等諸功德」。

³⁶ [如] — 【宋】【元】【明】【宮】。(大正 25, 563d, n.17)

³⁷ 知 = 智【宋】【元】【明】【宮】。(大正 25, 563d, n.18)

³⁸ 信慧：無智不成信。(印順法師，《大智度論筆記》[E019] p.318)

³⁹ 二乘聖道于無上道得少分。(印順法師，《大智度論筆記》[E021] p.319)

⁴⁰ [波羅蜜] — 【宋】【元】【明】【宮】。(大正 25, 563d, n.21)

⁴¹ 般若與一切種智：般若、無上菩提，但名字異。在菩薩名般若，在佛心名菩提。(印順法師，《大智度論筆記》[E011] p.306)

⁴² 色 = 空【宮】*。(大正 25, 563d, n.23)

⁴³ 真如：一切諸法真實相。(印順法師，《大智度論筆記》[E008] p.300)

⁴⁴ 廬(ㄌㄨˊ)：1.指平民一家在郊野所占的房地。引申為指季節性臨時寄居或休憩所用的簡易房舍。2.泛指簡陋居室。5.古代沿途迎候賓客的房舍。(《漢語大詞典》(三)，p.1287)

⁴⁵ [性] — 【石】。(大正 25, 563d, n.26)

（貳）須菩提歎

一、隨順歎，二、無礙歎

須菩提白佛言：「世尊！是般若波羅蜜相，隨順一切法，無所障礙。」

何以故？於般若波羅蜜亦不著。

說不障礙因緣：「如虛空等故。」⁴⁶

譬如壁中先有空相，小兒以橛⁴⁷釘之，力少故不入，大力者能入；行者亦如是，色等諸法中，自有如（564a）實相，智慧力少故，不能令空，大智者能知。

是故說：「諸法無礙，如虛空平等。」

三、不生歎，四、無處歎

色等法不生，亦不可得，以是故名「不生」。

非但色等不生，若不生法可得，則非畢竟空，非名無得⁴⁸。

無住處亦如是。

貳、歎如甚深

（壹）以「如」明隨生，復顯「如來」義

一、諸天讚須菩提是佛子、隨佛生

（一）略述

爾時，諸天子白佛言：「世尊！須菩提隨佛生。何以故？所知所說皆與空合。」

（二）釋「隨佛生」

1、經說有三種子，佛法中唯隨順生子

復次，經說有三種子：一者、不隨順生，二者、隨順生，三者、勝生。⁴⁹

世人皆願二種子——隨順子，勝子。

佛法中惟欲一種——隨順生，以無有勝佛故。⁵⁰

2、佛子有五，皆從口生、法生

「佛子」有五，皆從口生、法生——須陀洹乃至阿羅漢，入正位菩薩。⁵¹

⁴⁶ 無礙：如虛空故。（印順法師，《大智度論筆記》〔E009〕p.302）

⁴⁷ 橛（ㄐㄨㄛˊ）：1.木橛子，短木樁。2.喻指樁狀物。3.門中豎立以為限隔的短木。（《漢語大詞典》（四），p.1308）

⁴⁸ 得=礙【元】【明】【宮】【石】。（大正 25，564d，n.1）

⁴⁹ （1）參見《雜阿含經》卷 31（874 經）：「有三種子。何等為三？有隨生子，有勝生子，有下生子。何等為隨生子？謂子父母不殺、不盜、不婬、不妄語、不飲酒，子亦隨學不殺、不盜、不婬、不妄語、不飲酒，是名隨生子。何等為勝生子？若子父母不受不殺、不盜、不婬、不妄語、不飲酒戒，子則能受不殺、不盜、不婬、不妄語、不飲酒戒，是名勝生子。云何下生子？若子父母受不殺、不盜、不婬、不妄語、不飲酒戒，子不能受不殺、不盜、不婬、不妄語、不飲酒戒，是名下生子。」（大正 2，220c20-221a8）

（2）經：三種子。（印順法師，《大智度論筆記》〔H001〕p.390）

⁵⁰ 不隨順生。

世間三種子┆隨順生——佛法一子。

┆勝生。

（印順法師，《大智度論筆記》〔B026〕p.164）

⁵¹ 五種佛子。（印順法師，《大智度論筆記》〔E015〕p.312）

辟支佛雖佛法中種因緣，無佛時自能得道，不得言「從佛口生」，因緣遠故。

3、釋「須菩提隨佛生」——漏盡、常樂畢竟空故

諸漏盡者，是隨順生。

須菩提於漏盡中，常樂畢竟空，是隨順生。何以故？所行法不可破壞如虛空——佛法如是相。

是名「隨佛生」。

※ 因論生論：何故不說「入法位菩薩隨佛生」

問曰：何以不說入法位菩薩隨順⁵²佛生？

答曰：

(1) 漏未盡故不說

有人言：漏未盡故不說，須菩提漏盡故說。

(2) 菩薩雖有深利智慧，往返生死故不說

有人言：入無餘涅槃者，是第一清淨。

阿羅漢末後身住有餘涅槃，近無餘涅槃門故說。

菩薩雖有深利智慧，往返生死中，是故不說。

(3) 共二乘說般若中，說「須菩提是隨佛生」；但與菩薩說時，不說「須菩提隨佛生」

有人言：般若二種：一者、唯與大菩薩說，二者、三乘共說。⁵³

共聲聞說中，須菩提是隨佛生；

但與菩薩說時，不說「須菩提隨佛生」。何以故？法性生身大菩薩，是中無有結業生身，但有變化生身，⁵⁴滅三毒、出三界，教化眾生、淨佛世界故，住於世間，此中都無一切聲聞人。

佛大慈悲心，菩薩心亦爾，是名菩薩隨生；須菩提但取涅槃故，不說隨生。

此經共二乘說。

須菩提知般若（564b）波羅蜜甚深，法性生身菩薩力大。

二、須菩提以「如」辨隨生義

(一) 略明

諸天雖讚，不應受，語諸天子言：「諸法如一相——所謂無相，是因緣故隨佛生，如不異故。」

(二) 十門廣釋

1、如相不來不去

如《經》中說「如」——「如來如相不來不去，須菩提如相亦不來不去。」

⁵² 〔順〕—【石】。(大正 25, 564d, n.3)

⁵³ 一、共聲聞菩薩合說

二種般若—二、但與法身菩薩說 (印順法師,《大智度論筆記》[B001] p.103)

⁵⁴ 二種菩薩：法性生身，結業生身。(印順法師,《大智度論筆記》[E012] p.307, [E021] p.320)

2、如相畢竟空

復次，如來如畢竟空，一切法如亦畢竟空。一切法如中攝須菩提如，是故須菩提用如來如故隨佛生。

3、如相常住無異

復次，如來如無憶想分別、常住、如虛空，須菩提如亦如是。是故須菩提隨佛生。

4、如相無有罣礙

復次，如來如得無礙解脫故，一切法中無罣礙；一切法如亦如是，於一切法中亦無罣礙。如來如、一切法如，一如無異；須菩提如亦入一切法如故，是以隨佛生。

5、如相無造作者

復次，諸法如相無作、無作者，如來如相亦如是；須菩提如，一切法如攝，故隨佛生。

6、如相無憶想分別

復次，如來如相，一切處常無憶想分別；須菩提如，一切法如攝，故隨佛生。

7、如相不離一切法如

復次，如來如相不離一切法如——正觀一切法，名為佛；一切法是因緣，佛是果報，是故說：「如來如不離一切法如。」是如實故常如，無不如時；須菩提如亦如是不異，故隨佛生，亦無法可隨。

8、如相出過三世

復次，如來如相無憶想分別、出過三世，一切法如亦如是；須菩提如亦出三世，是故隨佛生。

9、如相不在三世如中

復次，如來如不在過去如中，何以故？如來空，過去亦畢竟空，是故空不在空中住；譬如虛空不住虛空中。未來、現在亦如是。

「三世如、如來如，不二不分別」者，

三世如，空、無相、無生無滅等；如來如亦如是。

三世如無障礙，如過去世無窮無邊，未來世亦無窮無邊，(564c)現在世亦無窮無邊；如來如亦如是。

此三世十方無窮⁵⁵無邊，須菩提如亦如是。

10、「諸法如」與「如來如」無二無別

復次，五眾如乃至一切種智如、如來如，無二無別。

何以故？色等諸法和合故有如來——

如是如來，不得言「但是色等法」，亦不得言「離色等法」，亦不得言「色等法在如來中」，亦不得言「如來在色等法中」，亦不得言「色等法屬如來」，亦不得言「無如來」。

⁵⁵ 窮＝礙【宋】【元】【明】【宮】。(大正 25, 564d, n.6)

五眾色等法中假名如來。

如來如即是一切法如，是故說「色等法如、如來如，不二不別」。

凡夫人見有二有別，聖人觀無二無別；聖人可信，凡夫人所見不可信。

三、佛示「如來」真義

佛語須菩提：「是名為如，佛因此如故，名為如來。」

「如來」者，如實行來到佛法中。

四、現瑞證說

說是如時，地六種震動，如上說。⁵⁶

【經】

(貳) 明如體離相，破諸天著情⁵⁷

一、諸天歎

是時，諸欲天子、諸色天子以天末栴檀香散佛上及散須菩提上，白佛言：「未曾有也！世尊！須菩提以如來如隨佛生。」⁵⁸

二、破著⁵⁹

(一) 須菩提以四門破

1、正破

(1) 約有為明

須菩提復為諸天子說言：「諸天子！須菩提不從色中隨佛生，亦不從色如中隨佛生；不離色隨佛生，亦不離色如⁶⁰隨佛生。⁶¹須菩提不從受、想、行、識中隨佛生，亦不從受、想、行、識如中隨佛生；不離受、想、行、識隨佛生，亦不離受、想、行、識如隨佛生。

乃至不從一切種智中隨佛生，亦不從一切種智如中隨佛生；不離一切種智隨佛生，亦不離一切種智如隨佛生。

⁵⁶ 《正觀》(6)，p.185：《大智度論》卷 8 (大正 25，117a3-b3)、卷 53 (大正 25，442a13-b3)。

⁵⁷ 《大品經義疏》卷 8：「三聖共明如體離相，破諸天著情也。」(卍新續藏 24，304a3)

⁵⁸ 《大般若波羅蜜多經》卷 447〈52 真如品〉：

爾時，欲界、色界天眾，復以天上旃檀香末、多揭羅香末、多摩羅香末，及以天上嚙鉢羅花、鉢特摩花、拘某陀花、奔茶利花，奉散如來及善現上而白佛言：「甚奇！如來！未曾有也！大德善現由真如故隨如來生。」(大正 7，255a18-22)

⁵⁹ 《大品經義疏》卷 8：「次破著中三聖破，時眾悟，即四段：初、須菩提以四門破，二、身子就因果門破，三、佛述身子破，四、時眾悟道也。初四門破中，先以四門破，以何以故釋破。就色開即、離二門明眾義，即色無有須菩提生，次就離色亦無須菩提生；次就如，亦即、離二門明無須菩提生義。」(卍新續藏 24，304a5-10)

⁶⁰ 如+ (中)【石】*。(大正 25，564d，n.7)

⁶¹ 《大般若波羅蜜多經》卷 447〈52 真如品〉：

爾時，具壽善現便謂諸天眾言：「諸天當知！然我善現不由色故隨如來生，不由色真如故隨如來生，不離色故隨如來生，不離色真如故隨如來生。」(大正 7，255a22-26)

(2) 約無為明

須菩提不從無為中隨佛生，亦不從無為如中隨佛生；不離無為隨佛生，亦不離無為如隨佛生。

2、釋因由

何以故？是一切法皆無所有、不可得，無隨生者，亦無隨生法。⁶² (565a)

(二) 舍利弗就因果門破

1、歎如甚深

爾時，舍利弗白佛言：「世尊！是如實不虛，法相、法住、法位甚深；⁶³

2、諸法、諸法如皆不可得

是中色不可得，色如不可得。何以故？色尚不可得，何況色如當⁶⁴可得！⁶⁵

受、想、行、識不可得，受、想、行、識如不可得。何以故？受、想、行、識尚不可得，何況受、想、行、識如當可得！

乃至一切種智不可得，一切種智如不可得。何以故？一切種智尚不可得，何況一切種智如當可得！」

(三) 佛述成舍利弗意

佛告舍利弗：「如是！如是！舍利弗！是如實不虛，法相、法住、法位甚深，是中色不可得，色如不可得。何以故？色尚不可得，何況色如當可得！乃至一切種智不可得，一切種智如不可得。何以故？一切種智尚不可得，何況一切種智如當可得！」⁶⁶

三、時眾悟道

舍利弗說是如相時，二百比丘不受一切法故，漏盡，得阿羅漢；五百比丘尼遠塵離垢，諸法中得法眼淨⁶⁷，生天、人中；五千諸菩薩摩訶薩得無生忍法⁶⁸；六千⁶⁹菩薩諸法不受故，漏盡，心得解脫，成阿羅漢。⁷⁰

⁶² 《大般若波羅蜜多經》卷 447〈52 真如品〉：「何以故？諸天眾！是一切法都無所有，諸隨生者、若所隨生、由此隨生、隨生時處皆不可得。」(大正 7，255b11-13)

⁶³ 《大般若波羅蜜多經》卷 447〈52 真如品〉：

爾時，舍利子白佛言：「世尊！諸法真如、法界、法性、不虛妄性、不變異性、平等性、離生性、法定、法住、實際、虛空界、不思議界皆最甚深。」(大正 7，255b14-16)

⁶⁴ 當=尚【石】。(大正 25，565d，n.1)

⁶⁵ 《大般若波羅蜜多經》卷 447〈52 真如品〉：「謂於此中色不可得，色真如亦不可得。何以故？此中色尚不可得，況有色真如可得！」(大正 7，255b16-18)

⁶⁶ 《大般若波羅蜜多經》卷 447〈52 真如品〉：

佛言：「舍利子！如是！如是！如汝所說。諸法真如乃至不思議界皆最甚深，所謂此中色不可得，色真如亦不可得。何以故？此中色尚不可得，況有色真如可得！如是乃至此中一切相智不可得，一切相智真如亦不可得。何以故？此中一切相智尚不可得，況有一切相智真如可得！」(大正 7，255b26-c4)

⁶⁷ [淨]—【宋】【元】【明】【宮】。(大正 25，565d，n.2)

⁶⁸ 忍法=法忍【宋】【元】【明】【宮】。(大正 25，565d，n.4)

⁶⁹ 千=十【宮】【石】。(大正 25，565d，n.5)

⁷⁰ 聞大證小。(印順法師，《大智度論筆記》[E015] p.311)

(參) 明得失**一、佛正說，兼答舍利弗問****(一) 法說****1、明失：若無般若、方便力，則捨菩薩道**

「舍利弗！是六千菩薩先世值五百佛，親近供養，於五百佛法中，行布施、持戒、忍辱、精進、禪定，無般若波羅蜜、無方便力故，行別異相；作是念：『是施、是持戒、是忍辱、是精進、是禪定。』無般若波羅蜜、無方便力故，布施、持戒、忍辱、精進、禪定，行別異⁷¹相；行別異相故，不得無異相；不得無異相故，不得入菩薩位；不得入菩薩位故，得須陀洹果乃至阿羅漢果。舍利弗！菩薩摩訶薩雖有道——若空、若無相、若無作法，遠離般若波羅蜜、無方便力故，便於實際作證，取聲聞乘。」⁷²

2、明得：不遠離薩婆若心，有方便力故，能入菩薩位，得無上菩提**(1) 舍利弗問**

舍利弗白佛言：「世尊！何因緣故，俱行空、無(565b)相、無作法，遠離方便力故，於實際作證，取聲聞乘？菩薩摩訶薩亦修空、無相、無作法，有方便力故，得阿耨多羅三藐三菩提？」

(2) 佛答**A、料簡失**

佛告舍利弗：「有菩薩遠離薩婆若心，修空、無相、無作法，無方便力故，取聲聞乘。

B、正明得

舍利弗！復有菩薩摩訶薩不遠離薩婆若心，修空、無相、無作法，有方便力故，入菩薩位，得阿耨多羅三藐三菩提。⁷³

⁷¹ 別異=異別【宋】【元】【明】【宮】。(大正 25, 565d, n.6)

⁷² 《大般若波羅蜜多經》卷 447〈52 真如品〉：

爾時，佛告舍利子言：「今此眾中六千菩薩已於過去親近供養五百諸佛，一一佛所發弘誓願正信出家，雖修布施、淨戒、安忍、精進、靜慮，而不攝受般若波羅蜜多，遠離方便善巧，起別異想，行別異行。修布施時作如是念：『此是布施，此是施物，此是受者，我能行施。』修淨戒時作如是念：『此是淨戒，此是罪業，此所護境，我能持戒。』修安忍時作如是念：『此是安忍，此是忍障，此所忍境，我能安忍。』修精進時作如是念：『此是精進，此是懈怠，此是所為，我能精進。』修靜慮時作如是念：『此是靜慮，此是散動，此是所為，我能修定。』彼不攝受般若波羅蜜多，遠離方便善巧，依別異想，而行布施、淨戒、安忍、精進、靜慮別異之行。由別異想、別異行故，不得菩薩無別異想及失菩薩無別異行。由此因緣不得入菩薩正性離生位，由不得入菩薩正性離生位故，得預流果漸次乃至阿羅漢果。是故，舍利子！若菩薩摩訶薩雖有菩提道及有空、無相、無願解脫門，而不攝受般若波羅蜜多，及遠離方便善巧，便證實墮於聲聞或獨覺地。」(大正 7, 255c8-29)

⁷³ 《大般若波羅蜜多經》卷 447〈52 真如品〉：

佛言：「舍利子！諸聲聞乘或獨覺乘補特伽羅，遠離一切智智心，不攝受般若波羅蜜多，無方便善巧故，修空、無相、無願之法，便證實墮於聲聞或獨覺地。諸菩薩乘補特伽羅不離一切智智心，攝受般若波羅蜜多，依方便善巧，大悲心為上首，修空、無相、無願之法，雖證實際而能入菩薩正性離生位，能證無上正等菩提。」(大正 7, 256a7-14)

（二）舉喻：大鳥無翅，欲飛必墜

舍利弗！譬如有鳥，身長百由旬，若二百、三百由旬，而無有翅，從三十三天，自投閻浮提。舍利弗！於汝意云何？是鳥中道作是念：『欲還上三十三天。』能得還不？」
「不得也！世尊！」

「舍利弗！是鳥復作是願：『到閻浮提，欲使身不痛不惱。』舍利弗！於汝意云何？是鳥得不痛不惱不？」

舍利弗言：「不得也！世尊！是鳥到地，若痛、若惱、若死、若死等苦。何以故？世尊！是鳥身大而無翅故。」

（三）合法

1、無方便失

「舍利弗！菩薩摩訶薩亦如是，雖如恒河沙等劫修布施、持戒、忍辱、精進、禪定，發大事、生大心，為得阿耨多羅三藐三菩提故受無量願；是菩薩**遠離般若波羅蜜、方便力故**，若墮阿羅漢、若墮辟支佛道。⁷⁴

何以故？是菩薩遠離薩婆若心，布施、持戒、忍辱、精進、禪定，**無般若波羅蜜、無方便力故**，墮聲聞地、若辟支佛道中。

舍利弗！菩薩摩訶薩雖念過去、未來、現在諸佛持戒、禪定、智慧、解脫、解脫知見，**取相受持**；是人不知不解諸佛戒、定、慧、解脫、解脫知見，但聞空、無相、無作名字聲，而**取名字聲**迴向阿耨多羅三藐三菩提。菩薩摩訶薩若如是迴向，住聲聞、辟支佛地中，不能（565c）得過。

何以故？**遠離般若波羅蜜及方便力**，持諸善根迴向阿耨多羅三藐三菩提故。⁷⁵

2、有方便得

舍利弗！有菩薩摩訶薩從初發意已來，**不遠離薩婆若心**，行布施、持戒、忍辱、精進、禪定，**不遠離般若波羅蜜及方便力故**，**不取相**；於過去、未來、現在諸佛戒、定、慧、解脫、解脫知見，不取空解脫門相，不取無相、無作解脫門相。舍利弗！當知是菩薩摩訶薩不墮聲聞、辟支佛道，直至阿耨多羅三藐三菩提。

何以故？是菩薩摩訶薩從初發心已來行布施不取相，持戒、忍辱、精進、禪定不取相；過去、未來、現在諸佛戒、定、慧、解脫、解脫知見不取相。

舍利弗！是名菩薩**方便力**，以**離相心**行布施、持戒、忍辱、精進、禪定，乃至離相心行一切種智。」

⁷⁴ 恆沙修行，還墮二地。（印順法師，《大智度論筆記》〔E015〕p.311）

⁷⁵ 《大般若波羅蜜多經》卷 447〈52 真如品〉：「舍利子！是菩薩乘補特伽羅，雖念過去未來現在諸佛世尊所有戒蘊、定蘊、慧蘊、解脫蘊、解脫智見蘊，恭敬供養隨順修行，而於其中執取相故，不能正解是諸如來、應、正等覺所有戒蘊、定蘊、慧蘊、解脫蘊、解脫智見蘊圓滿功德。是諸菩薩不能正解佛功德故，雖聞無上正等覺道及空、無相、無願法聲，而依此聲執取其相，執取相已迴向無上正等菩提。此菩薩乘補特伽羅如是迴向，不得無上正等菩提，墮於聲聞或獨覺地。何以故？舍利子！是菩薩乘補特伽羅，由不攝受般若波羅蜜多，及遠離方便善巧故，雖以種種所修善根迴向無上正等菩提，而墮聲聞或獨覺地。」（大正 7，256b6-19）

二、舍利弗領解，結勸**(一) 領解**

舍利弗白佛言：「世尊！如我解佛所說義——若菩薩摩訶薩不遠離般若波羅蜜、方便力，當知是菩薩近阿耨多羅三藐三菩提。

何以故？是菩薩摩訶薩從初發心已來無法可知——若色，若受、想、行、識乃至一切種智。⁷⁶

世尊！有求菩薩道善男子、善女人遠離般若波羅蜜、方便力，當知是人於阿耨多羅三藐三菩提或得、或不得。

何以故？世尊！是求菩薩道善男子、善女人所有布施皆取相，所有持戒、忍辱、精進、禪定皆取相。以是故，是善男子、善女人於阿耨多羅三藐三菩提不定。⁷⁷

(二) 結勸

世尊！以是因緣故，菩薩摩訶薩欲得阿耨多羅三藐三菩提，不應遠離般若波羅蜜、方便力。是菩薩摩訶薩住般若波羅蜜、方便力中，以無得無相心，應修⁷⁸布施、持戒、忍辱、精進、禪定；乃至以(566a)無得無相心，應修一切種智。」⁷⁹

【論】釋曰：

(貳) 明如體離相，破諸天著情**一、諸天歎**

「諸天子歡喜，以末栴檀香，散佛及須菩提上。歎言『希有！世尊！須菩提以如來如隨佛生』」者，諸天子意謂：須菩提智慧力故，令一切法皆如佛法，是故說「隨佛生」。

⁷⁶ 《大般若波羅蜜多經》卷 447〈52 真如品〉：

爾時，舍利子白佛言：「世尊！如我解佛所說義者，若菩薩摩訶薩從初發心乃至究竟，攝受般若波羅蜜多，常不遠離方便善巧，是菩薩摩訶薩隣近無上正等菩提。所以者何？是菩薩摩訶薩從初發心乃至究竟，都不見有少法可得，謂若能證、若所證、若證處、若證時、若由此證都不可得。所謂若色，若受、想、行、識——如是乃至若一切智、若道相智、一切相智都不可得。」(大正 7, 256c11-19)

⁷⁷ 《大般若波羅蜜多經》卷 447〈52 真如品〉：「復次，世尊！有菩薩乘諸善男子、善女人等，不攝受般若波羅蜜多，遠離方便善巧，而求無上正等菩提，當知彼於所求無上正等菩提疑惑猶豫或得不得。所以者何？是菩薩乘諸善男子、善女人等，不攝受般若波羅蜜多，遠離方便善巧故，於所修行布施、淨戒、安忍、精進、靜慮、般若波羅蜜多皆取其相——如是乃至於所修行一切智、道相智、一切相智皆取其相。由此因緣，是菩薩乘諸善男子、善女人等皆於無上正等菩提疑惑猶豫或得不得。」(大正 7, 256c19-29)

⁷⁸ [修]—【宋】【宮】【石】。(大正 25, 565d, n.12)

⁷⁹ 《大般若波羅蜜多經》卷 447〈52 真如品〉：「是故，世尊！若菩薩摩訶薩欲證無上正等菩提，決定不應遠離般若波羅蜜多方便善巧。是菩薩摩訶薩安住般若波羅蜜多方便善巧，用無所得而為方便，以無相俱行心，應修布施波羅蜜多，應修淨戒、安忍、精進、靜慮、般若波羅蜜多——如是乃至以無相俱行心，應修一切智，應修道相智、一切相智。若菩薩摩訶薩安住般若波羅蜜多方便善巧，用無所得而為方便，以無相俱行心修行如是一切佛法，必獲無上正等菩提。」(大正 7, 256c29-257a10)

二、破著

（一）須菩提以四門破

1、正破

須菩提知諸天子心少⁸⁰貴尚⁸¹是諸法如，是故須菩提欲斷⁸²諸天子心故說：「是如畢竟空相。」以四種破著如心，所謂：「須菩提——⁽¹⁾不在色中，⁽²⁾不在色如中，⁽³⁾不以色等、不以色等如，⁽⁴⁾不離色等、不離色等如——隨佛生。」

2、釋因由

佛⁸³此中自說因緣：「此法皆空、不可得。」

（二）舍利弗就因果門破：歎如甚深，色等諸法、色等諸法如皆不可得

舍利弗言：「世尊！是如甚深！是如中但色等法不可得，何況色等法如當可得！」

（三）釋經文

1、釋「色等法」、「色等法如」

問曰：何者是「色等法」？何者是「色等法如」？

答曰：色等法——眼所見等諸法；「如」名色等法實相，不虛誑。⁸⁴

人於色等如法中錯謬⁸⁵故，

或起不善業墮惡道中，或起善業生於人天中，終歸磨滅，還生諸苦。

或起無漏業，應求大利而取小乘，不得畢竟清淨如相故。

2、釋「如非即非離色等諸法」

色等法皆是作法、有為、虛妄、從顛倒生、凡夫所憶想分別行處，是故色等法虛妄，不即是「如」。

知色等法如實故即是「如」，因色等法得「如」名，是故言：「不離色等法得如。」⁸⁶

3、非但須菩提隨佛生，一切法亦如是

色等法入如中，皆一相無異；是故須菩提謙言：「非但我隨佛生，一切法亦如是相。」

4、色等法亦畢竟空，何況如

舍利弗讚歎須菩提所說：「色等法亦畢竟空，何況如！」因若空，何況果！

三、時眾悟道

聞如是甚深如相，眾各得道利益。

⁸⁰ 少（尸么ㄨ）：7.稍，略。（《漢語大詞典》（二），p.1646）

⁸¹ 貴尚：1.崇尚，尊崇。（《漢語大詞典》（十），p.152）

⁸² 斷=出【宋】【宮】。（大正 25，566d，n.2）

⁸³ 案：依經文，此乃「須菩提」所說。

⁸⁴ 「色如——色之實相

性相——色——眼所見法。（印順法師，《大智度論筆記》〔B027〕p.164）

⁸⁵ 謬（冂一又ㄨ）：1.謬誤，差錯。（《漢語大詞典》（十一），p.407）

⁸⁶ （1）不：色、色如不即不離。（印順法師，《大智度論筆記》〔E010〕p.303）

（2）色有即如、不即如二義。（印順法師，《大智度論筆記》〔E021〕p.320）

(參) 明得失**一、佛正說，兼答舍利弗問****(一) 法說****1、明失****(1) 何以六千人修般若而證阿羅漢——無般若、方便力，慈悲心薄故**

問曰：是般若波羅蜜為菩薩說，何故六千人成阿羅漢道？

答曰：佛知必有難者，自為(566b)舍利弗說因緣：「是人無般若波羅蜜、無方便力。」

過去作功德，無方便故，邪行不正，是人離般若波羅蜜故，深著善法；今從佛聞般若波羅蜜，深厭世間，慈悲心薄故求自利，不受一切法，即得阿羅漢，⁸⁷於般若無咎。如人持器詣海，隨器大小，各自取足。

(2) 釋疑：「不得無異相而證聲聞四果」——乃過去世不得般若方便修集功德故

問曰：如《經》說：「六千菩薩無般若波羅蜜、方便力故，行五波羅蜜，不得是無分別法，作阿羅漢。」若一切聖人皆得無為法，得無為法即是無分別，何以此中說「不得無分別法，作阿羅漢」？

答曰：非說今世聽法時；乃是過去五百世時，不得般若、方便⁸⁸，修集五波羅蜜功德⁸⁹，以是故言：「不得無分別。」

失菩薩信等五根；失菩薩信等五根故，雖聞般若，不得如菩薩所聞即於實際作證。

2、明得失之差別——有無相應薩婆若心⁹⁰

問曰：俱行空、無相、無作，何以一人得作佛、一人作阿羅漢？⁹¹

答曰：雖有種種因緣，得阿羅漢大因緣，所謂離薩婆若心行空等故。⁹²

(二) 舉喻：大鳥無翅，欲飛必墜

「大鳥」者，金翅鳥在於天上⁹³，如此間人鳥雀等無異。是鳥所以不來者，此鳥食龍，翅出毒風，扇一切人⁹⁴眼失明故。

是鳥初出齧⁹⁵，羽翼未成，意欲飛去，即時墮落，中道心悔：「我未應飛。」還欲住

⁸⁷ 前生不行六度，乍聞般若，易證實際。(印順法師，《大智度論筆記》〔E021〕p.320)

⁸⁸ 般若方便=方便般若【石】。(大正 25, 566d, n.7)

⁸⁹ 無方便非是無五度。(印順法師，《大智度論筆記》〔E021〕p.320)

⁹⁰ 「應薩婆若、有方便——近無上道。

修行般若—離薩婆若、無方便——於無上道—或不得——恆沙劫修行還墮二地。

└或得。

(印順法師，《大智度論筆記》〔B027〕p.164)

⁹¹ 三三昧：大小共行。(印順法師，《大智度論筆記》〔E003〕p.290)

⁹² 同修三解，有方便、無方便之異：離不離薩婆若心。(印順法師，《大智度論筆記》〔E015〕p.311)

⁹³ 在於天上=於諸天【宋】【元】【明】【宮】。(大正 25, 566d, n.8)

⁹⁴ [人]—【宋】【元】【明】【宮】。(大正 25, 566d, n.10)

⁹⁵ (1) 齧=殼(く口せゝ)：鳥卵。(《高麗大藏經異體字典》，p.493b)

本天，上舍摩梨樹上；是鳥身大，羽翼未成，不能舉身。

〔三〕合法

「鳥身」，是菩薩身。

「大」者，世世廣集五波羅蜜功德。

「無兩翅」者，是無般若波羅蜜、無方便。

「須彌山」者，是三界。

「虛空」，是無量佛法。

「未應飛而飛」者，是菩薩功德未成滿，欲行菩薩三解脫門、欲遊無量佛法虛空中而自退沒，是心雖欲願作佛（566c）而不能得。

「若死」者，是阿羅漢道。

「死等」者，辟支佛道。

「若痛⁹⁶、若惱」者，失菩薩本願功德。

二、結勸

佛⁹⁷自結句：「乃至住是無得無相心中應布施等。」

此經中合喻，義自明了，故不說。

【經】

參、辨「佛菩提難得或易得」

（壹）諸天明佛菩提難得

一、諸天子說

爾⁹⁸時，欲、色界諸天子白佛言：「世尊！阿耨多羅三藐三菩提難得！何以故？是菩薩摩訶薩應知一切諸法已，得阿耨多羅三藐三菩提⁹⁹，是法亦不可得。」¹⁰⁰

二、佛印可，舉自身得無上菩提亦無所得

佛言：「如是！如是！諸天子！阿耨多羅三藐三菩提難得！我亦得一切法、一切種智已，得阿耨多羅三藐三菩提，亦無所得，無能知、無可知、亦無知者。何以故？諸法畢竟淨故。」¹⁰¹

（2）鷖（くいせゝ）：同“鷖”。（《漢語大字典》（三），p.2167）

（3）鷖（くいせゝ）：1.卵。3.物體堅硬的皮，多指卵殼。（《漢語大字典》（三），p.2167）

⁹⁶ 案：《大正藏》原作「病」，今依《高麗藏》作「痛」（第 14 冊，1099b18）。

⁹⁷ 案：依經文應是「舍利弗」說。

⁹⁸ 卷第七十三首【石】，（摩訶般若波羅蜜品第五十三之余卷第七十三阿鞞跋致品）+爾【石】。（大正 25，566d，n.14）

⁹⁹ 〔已得……提〕十一字—【宋】【宮】【石】。（大正 25，566d，n.15）

¹⁰⁰ 《大般若波羅蜜多經》卷 447〈52 真如品〉：

爾時，欲界、色界天眾俱白佛言：「諸佛無上正等菩提，極難信解、甚難證得。所以者何？諸菩薩摩訶薩於一切法自相、共相皆應證知，乃能獲得所求無上正等菩提，而諸菩薩摩訶薩眾所知法相都無所有，皆不可得。」（大正 7，257a10-15）

¹⁰¹ 《大般若波羅蜜多經》卷 447〈52 真如品〉：

爾時，佛告諸天眾言：「如是！如是！如汝所說。諸佛無上正等菩提，極難信解、甚難證得。諸天當知！我亦現覺一切法相，證得無上正等菩提，而都不得勝義法相可說名為此是能證、

(貳) 須菩提云易得：以無所得為方便故

須菩提白佛言：「世尊！如佛所說『阿耨多羅三藐三菩提難得』，如我解佛所說義，我心思惟：『是阿耨多羅三藐三菩提易得。』」

何以故？無有得阿耨多羅三藐三菩提者，亦無可得法。一切法、一切法相空，無法可得、無能得者。何以故？一切法空故。亦無法可增，亦無法可減。所謂布施、持戒、忍辱、精進、禪定乃至一切種智，是法皆無可得者、無能得者。

世尊！以是因緣故，我意謂阿耨多羅三藐三菩提為易得。

何以故？世尊！色色相空，受想行識識相空，乃至一切種智一切種智相空。」¹⁰²

(參) 論「得佛菩提之難易」**一、辨「有無退還」****(一) 舍利弗難：菩薩多有退還**

舍利弗語須菩提：「若一切法空如虛空，虛空不作是念：『我當得阿耨多羅三藐三菩提。』若菩薩摩訶薩信解一切諸法空如虛空，是阿耨多羅三藐三菩提易得者，今恒河沙等諸菩薩摩訶薩求阿耨多羅三藐三菩提，何以故退還？須菩提！以是故，知阿耨多羅三藐三菩提不易得。」¹⁰³

此是所證、此是證處、此是證時、由此而證。所以者何？以一切法畢竟淨故，有為、無為畢竟空故，由斯無上正等菩提，極難信解、甚難證得。」(大正 7, 257a15-22)

¹⁰² 《大般若波羅蜜多經》卷 447〈52 真如品〉：

爾時，具壽善現白佛言：「世尊！如佛所說諸佛無上正等菩提，極難信解、甚難證得，如我思惟佛所說義，諸佛無上正等菩提，極易信解、甚易證得。所以者何？若能信解無法能證、無法所證、無有證處、無有證時、亦無由此而有所證，則能信解諸佛無上正等菩提。若有證知無法能證、無法所證、無有證處、無有證時、亦無由此而有所證，則能證得所求無上正等菩提。何以故？以一切法皆畢竟空，畢竟空中都無有法可名能證、可名所證、可名證處、可名證時、可名由此而有所證。所以者何？以一切法性相皆空，若增若減都無所有、皆不可得。由此因緣，諸菩薩摩訶薩常所修行布施、淨戒、安忍、精進、靜慮、般若波羅蜜多，都無所有皆不可得——如是乃至一切智、道相智、一切相智，都無所有、皆不可得。諸菩薩摩訶薩所觀諸法，若有色若無色、若有見若無見、若有對若無對、若有漏若無漏、若有為若無為，都無所有皆不可得。由此因緣我思惟佛所說義趣，諸佛無上正等菩提，極易信解、甚易證得，諸菩薩摩訶薩不應於中謂難信解及難證得。所以者何？色，色自性空；受想行識，受想行識自性空——如是乃至一切智，一切智自性空；道相智、一切相智，道相智、一切相智自性空。若菩薩摩訶薩能於如是自性空義，深生信解無倒而證，便得無上正等菩提。」(大正 7, 257a23-b20)

¹⁰³ 《大般若波羅蜜多經》卷 447〈52 真如品〉：

時，舍利子語善現言：「由此因緣諸佛無上正等菩提，極難信解、甚難證得。所以者何？諸菩薩摩訶薩觀一切法，都無自性，皆如虛空。譬如虛空不作是念：『我當信解疾證無上正等菩提。』諸菩薩摩訶薩亦應如是，不作是念：『我當信解疾證無上正等菩提。』何以故？諸法皆空與虛空等，諸菩薩摩訶薩要能信解諸法皆空與虛空等，無倒而證乃得無上正等菩提。若菩薩摩訶薩信解諸法與虛空等，便於無上正等菩提易生信解、易證得者，則不應有殞伽沙等菩薩摩訶薩擯大功德鎧發趣無上正等菩提，於其中間而有退屈。故知無上正等菩提極難信解、甚難證得。」(大正 7, 257b20-c3)

(二) 須菩提反責——明實無退還

I、反責

(1) 約「色等諸法及諸法如」破

A、即色等諸法無退

須菩提語舍利弗：「於意（567a）云何？色於阿耨多羅三藐三菩提退還不？」¹⁰⁴

舍利弗言：「不。」

「受、想、行、識於阿耨多羅三藐三菩提退還不？」

舍利弗言：「不。」

「乃至一切種智於阿耨多羅三藐三菩提退還不？」

舍利弗言：「不。」

B、離色等諸法無退

「離色，有法於阿耨多羅三藐三菩提退還不？」¹⁰⁵

舍利弗言：「不。」

「離受、想、行、識，有法於阿耨多羅三藐三菩提退還不？」

舍利弗言：「不。」

「乃至離一切種智，有法於阿耨多羅三藐三菩提退還不？」

舍利弗言：「不。」

C、即色等諸法如無退

「舍利弗！於意云何？色如相於阿耨多羅三藐三菩提退還不？」

舍利弗言：「不。」

「受、想、行、識如相乃至一切種智如相於阿耨多羅三藐三菩提退還不？」

舍利弗言：「不。」

D、離色等諸法如無退

「離色如相，有法於阿耨多羅三藐三菩提退還不？」

舍利弗言：「不。」

「離受、想、行、識如相，乃至離一切種智如相，有法於阿耨多羅三藐三菩提退還不？」

舍利弗言：「不。」

(2) 約「如乃至不可思議性」破

A、即如等不退

「舍利弗！於意云何？如於阿耨多羅三藐三菩提退還不？」

¹⁰⁴ 《大般若波羅蜜多經》卷 447〈52 真如品〉：

時，具壽善現謂舍利子言：「舍利子！於意云何？色於佛無上正等菩提有退屈不？」（大正 7，257c3-5）

¹⁰⁵ 《大般若波羅蜜多經》卷 447〈52 真如品〉：「舍利子！於意云何？離色，有法於佛無上正等菩提有退屈不？」（大正 7，257c19-21）

舍利弗言：「不。」

「法性、法住、法位、實際、不可思議性於阿耨多羅三藐三菩提退還不？」

舍利弗言：「不。」

B、離如等不退

「舍利弗！於意云何？離如，有法於阿耨多羅三藐三菩提退還不？」

舍利弗言：「不。」

「離法性、法住、法位、實際、不可思議性，有法於阿耨多羅三藐三菩提退還不？」

舍利弗言：「不。」

2、詰成

須菩提語舍利弗言：「若¹⁰⁶諸法畢竟不可得，何等法於阿耨多羅三藐三菩提退還不？」¹⁰⁷

二、辨「三乘之有無」

(一) 舍利弗難：若無退者盡當作佛，云何有三乘

舍利弗語須菩提：「如須菩提所說——是法忍中，無有菩薩於阿耨多羅三藐三菩提退還者。若不退還，佛說『求道者有三種：阿羅漢道、辟支佛道、佛道』——是三種為無分別。如須菩（567b）提說，獨有一菩薩求佛道！」¹⁰⁸

是時，富樓那彌多羅尼子語舍利弗：「應當問須菩提：『為有一菩薩乘不？』」¹⁰⁹

爾時，舍利弗問須菩提：「須菩提！為欲說有一菩薩乘？」¹¹⁰

(二) 須菩提以如相責成

1、反責

須菩提語舍利弗：「於諸法如中，欲使有三乘¹¹¹人——聲聞乘、辟支佛乘、佛乘耶？」¹¹²

舍利弗言：「不也。」

¹⁰⁶ [言若] — 【宋】【元】【明】【宮】，[言] — 【石】。(大正 25，567d，n.1)

¹⁰⁷ 《大般若波羅蜜多經》卷 447〈52 真如品〉：

爾時，具壽善現白舍利子言：「若一切法都無所有，皆不可得，說何等法可於無上正等菩提而有退屈？」(大正 7，258a18-20)

¹⁰⁸ 《大般若波羅蜜多經》卷 447〈52 真如品〉：

時，舍利子語善現言：「如仁者所說，無生法忍中都無有法，亦無菩薩可於無上正等菩提說有退屈。若爾，何故佛說三種住菩薩乘補特伽羅？但應說一。又如仁說，應無三乘菩薩差別，唯應有一正等覺乘。」(大正 7，258a20-25)

¹⁰⁹ 《大般若波羅蜜多經》卷 447〈52 真如品〉：

時，滿慈子白舍利子言：「應問尊者善現：為許有一菩薩乘不？然後可難：應無三乘建立差別，唯應有一正等覺乘。」(大正 7，258a25-28)

¹¹⁰ 《大般若波羅蜜多經》卷 447〈52 真如品〉：

時，舍利子問善現言：「為許有一菩薩乘不？」(大正 7，258a28-29)

¹¹¹ 乘=種【宋】【元】【明】【宮】。(大正 25，567d，n.2)

¹¹² 《大般若波羅蜜多經》卷 447〈52 真如品〉：

時，具壽善現謂舍利子言：「舍利子！於意云何？一切法真如中，為有三種住菩薩乘補特伽羅差別相不？謂有退住聲聞乘者，或有退住獨覺乘者，或有證得無上乘者？」(大正 7，258a29-b3)

「舍利弗！三乘分別中，有如可得不？」

舍利弗言：「不也。」¹¹³

「舍利弗！是如有若一相、若二相、若三相不？」¹¹⁴

舍利弗言：「不也。」

「舍利弗！汝欲於如中乃至有一菩薩不？」¹¹⁵

舍利弗言：「不也。」¹¹⁶

「如是四種中，三乘人不可得。舍利弗！云何作是念『是求聲聞乘人，是求辟支佛乘人，是求佛乘人』？」¹¹⁷

2、結義：聞如而心不怖，能得佛菩提

舍利弗！菩薩摩訶薩聞是諸法如相，心不驚、不沒、不悔、不疑，是名菩薩摩訶薩能成就阿耨多羅三藐三菩提。」¹¹⁸

(肆) 佛歎，釋疑

一、歎須菩提所說義

爾時，佛讚須菩提言：「善哉！善哉！須菩提！汝所說者，皆是佛力。」¹¹⁹

¹¹³ 《大般若波羅蜜多經》卷 447〈52 真如品〉：

「舍利子！於意云何？一切法真如中為有三乘菩薩異不？」

舍利子言：「不也！善現！」

「舍利子！於意云何？一切法真如中為實有一定無退屈菩薩乘不？」

舍利子言：「不也！善現！」

「舍利子！於意云何？一切法真如中為實有一正等覺乘諸菩薩不？」

舍利子言：「不也！善現！」（大正 7，258b4-10）

¹¹⁴ 《大般若波羅蜜多經》卷 447〈52 真如品〉：「舍利子！於意云何？諸法真如有一有二有三相不？」（大正 7，258b10-11）

¹¹⁵ 《大般若波羅蜜多經》卷 447〈52 真如品〉：「舍利子！於意云何？一切法真如中為有一法或一菩薩而可得不？」（大正 7，258b11-13）

¹¹⁶ 一乘，三乘：畢竟空中無退不退，無三乘異，但言無三，不言有一。（印順法師，《大智度論筆記》〔E015〕p.312）

¹¹⁷ 《大般若波羅蜜多經》卷 447〈52 真如品〉：

時，具壽善現謂舍利子言：「若一切法都無所有皆不可得，云何舍利子可作是念言：如是菩薩於佛無上正等菩提定有退屈，如是菩薩於佛無上正等菩提定無退屈，如是菩薩於佛無上正等菩提說不決定，如是菩薩是聲聞乘，如是菩薩是獨覺乘，如是菩薩是正等覺乘，如是為三，如是為一？」（大正 7，258b13-20）

¹¹⁸ 《大般若波羅蜜多經》卷 447〈52 真如品〉：「舍利子！若菩薩摩訶薩於一切法都無所得，於一切法真如亦能善信解都無所得，於諸菩薩亦無所得，於佛無上正等菩提亦無所得，當知是為真菩薩摩訶薩。舍利子！若菩薩摩訶薩聞說如是諸法真如不可得相，其心不驚、不恐、不怖、不疑、不悔、不退、不沒，是菩薩摩訶薩速證無上正等菩提，於其中間定無退屈。」（大正 7，258b20-27）

¹¹⁹ 《大般若波羅蜜多經》卷 448〈52 真如品〉：

爾時，世尊讚具壽善現言：「善哉！善哉！汝今能為諸菩薩摩訶薩善說法要，汝之所說皆是如來威神之力，非汝自能。」（大正 7，258c7-9）

須菩提！若菩薩摩訶薩聞說是如無有諸法別異，心不驚、不怖、不畏、不難、不沒、不悔，當知是菩薩能成就阿耨多羅三藐三菩提。」

二、釋舍利弗疑

舍利弗白佛言：「世尊！成就何等菩提？」

佛言：「成就佛阿耨多羅三藐三菩提。」

【論】釋曰：

參、辨「佛菩提難得或易得」

(壹) 諸天明佛菩提難得

一、諸天子說

爾時，諸天子作是念，白佛言：「世尊！阿耨多羅三藐三菩提難得！何以故？一切法畢竟空，而菩薩求佛道，觀行修集，成佛、度眾生，是法亦不可得。」

二、佛印可，舉自身得無上菩提亦無所得

佛可其言，自身為證：「我坐道場，以一切種得一切法，亦無一定相可得。」

(貳) 須菩提云易得：以無所得為方便故

須菩提言：「世尊！如我意：『阿耨多羅三藐三菩提易得。』一切法畢竟常空故，是中無得者、無可得法，無障無礙、無所修、無所斷故。」

(參) 論「得佛菩提之難易」

一、辨「有無退還」

(一) 舍利弗難：菩薩多有退還

爾時，舍利弗言：「若(567c)佛道易得者，何以故恒河沙等無量菩薩求佛道，若一、若二作佛，餘者皆退還？」¹²⁰

(二) 須菩提反責——明實無退還

I、反責

(1) 約「色等諸法及諸法如」破

A、即色等諸法無退

須菩提答舍利弗：「色於阿耨多羅三藐三菩提退還不？受、想、行、識乃至一切種智退還不？」

答言：「不也！」

何以故？色等法畢竟空，無有退還。

B、即色等諸法如無退

色等法如無二相，亦無分別，故無退還。

C、離色等諸法無退

「離色等法，更有法退還不？」

答言：離色等更無有法，是故言「不也」。

¹²⁰ 發心者多，不退者少。(印順法師，《大智度論筆記》〔E011〕p.305)

D、離色等諸法如無退

「離色等法如，更有法退還不？」

答言：如破色等法已，「如」亦自空，是故言「不」。

(2) 約「法性乃至不可思議性」破

法性、法位乃至不可思議性亦如是。

2、詰成

須菩提語舍利弗：「若法無退還，何以故言『如恒河沙等菩薩退還』？」

二、辨「三乘之有無」

(一) 舍利弗難

舍利弗答：「如須菩提所說，法忍中則無退還。」

「法忍」者，是法門、法修、法行。

入須菩提所說法門中，則無退還；出是法門，則有退還。

舍利弗雖現¹²¹受須菩提語，亦自引佛法作難：「若無退者，盡當作佛，何以說有三乘？」

(二) 須菩提以如相責成

須菩提還以如相四句破三乘。¹²²

(肆) 佛歎，釋疑

一、歎須菩提所說義

佛歎須菩提：「善哉！若菩薩聞如中無三乘分別，不恐怖，是菩薩即能成無上道。」

二、釋舍利弗疑

問曰：若佛說「菩薩成阿耨多羅三藐三菩提」，舍利弗何以故問「成就何等菩提」？

答曰：

(一) 三乘各有無上，今說大乘無上

各各有無上，舍利弗疑故，問：「何等道無上？」答：「大乘無上。」

(二) 入畢竟空中諸法盡一相，出畢竟空三乘則有異

復次，須菩提以畢竟空智慧，破著三乘心，佛讚：「善哉！」

須菩提言：「菩薩聞是，心不沒、不怖，則能成就阿耨多羅三藐三菩提。」

舍利弗問：「三乘菩提無定相，今言『成就菩提』，成何等菩提？」

佛言：「成就佛阿耨多羅三藐三菩提。」

若入畢竟空門，一切法盡一相；若出畢竟空，三乘則有異。¹²³

今佛分別諸法故說有(568a)上、中、下乘，不為畢竟空故說。

【經】

¹²¹ 現=見【宋】【元】【明】【宮】，〔現〕—【石】。(大正 25, 567d, n.5)

¹²² 一乘，三乘：破著三乘。(印順法師，《大智度論筆記》〔E015〕p.312)

¹²³ 一乘，三乘：畢竟空中法盡一相，出畢竟空三乘有異。(印順法師，《大智度論筆記》〔E015〕p.312)

肆、明修菩提行

(壹) 明菩提行

一、示無礙因¹²⁴

(一) 明七心行

1、須菩提問

須菩提白佛言：「世尊！若菩薩摩訶薩欲成就阿耨多羅三藐三菩提，應云何行？」¹²⁵

2、佛答

(1) 等心

佛言：「應起等心——於一切眾生亦以等心與語，無有偏黨；¹²⁶

(2) 大慈心

於一切眾生中起大慈心，亦以大慈心與語；

(3) 下意心

於一切眾生中下意¹²⁷，亦以下意與語；¹²⁸

(4) 安隱心

於一切眾生中應生安隱心，亦以安隱心與語；

(5) 無礙心

於一切眾生中應生無礙心，亦以無礙心與語；

(6) 無惱心

於一切眾生中應生無惱心，亦以無惱心與語；

(7) 愛敬心

於一切眾生中應生愛敬心，如父、如母、如兄、如弟、如姊、如妹、如兒子、如親族、知識，亦以愛敬心與語。

(二) 依四種正行¹²⁹，廣修諸道法

1、十善

¹²⁴ 菩薩知法性空，以眾生不知，如虛空大誓莊嚴。(印順法師，《大智度論筆記》[E021] p.320)

¹²⁵ 《大般若波羅蜜多經》卷 448〈52 真如品〉：

具壽善現復白佛言：「若菩薩摩訶薩欲疾成辦所求無上正等菩提，當於何住？應云何住？」(大正 7，258c18-20)

¹²⁶ 《大般若波羅蜜多經》卷 448〈52 真如品〉：

佛告善現：「若菩薩摩訶薩欲疾成辦所求無上正等菩提，當於一切有情住平等心，不應住不平等心；當於一切有情起平等心，不應起不平等心；當於一切有情以平等心與語，不應以不平等心與語。」(大正 7，258c20-24)

¹²⁷ 下意：1.調屈意，虛心和順。(《漢語大詞典》(一)，p.327)

¹²⁸ 《大般若波羅蜜多經》卷 448〈52 真如品〉：「當於一切有情起謙下心，不應起憍慢心；當於一切有情以謙下心與語，不應以憍慢心與語。」(大正 7，259a4-6)

¹²⁹ 案：「四種正行」，即於諸道法「自作、教他、讚歎法、歡喜讚歎行法者」。

是菩薩摩訶薩亦¹³⁰應自不殺生，亦教人不殺生，讚不殺生法，歡喜讚歎諸不殺生者；乃至自行不邪見，亦教他人不行邪見，讚不邪見法，歡喜讚歎不邪見者。如是，須菩提！菩薩摩訶薩欲成就阿耨多羅三藐三菩提，當如是行。

2、十二甘露門¹³¹

(1) 四禪

復次，須菩提！菩薩摩訶薩欲成就阿耨多羅三藐三菩提，應自行初禪，亦教他人行初禪，讚歎行初禪法，歡喜讚歎行初禪者；二禪、三禪、四禪亦如是。

(2) 四無量心

復次，須菩提！菩薩摩訶薩欲成就阿耨多羅三藐三菩提，應自行慈心，亦教人行慈心，讚歎行慈心法，歡喜讚歎行慈心者；悲、喜、捨心亦如是。

(3) 四無色定

自行虛空處，亦教人行虛空處，讚歎行虛空處法，歡喜讚歎行虛空處者；識處、無所有處、非有想非無想處亦如是。

3、六度、十八空、三十七道品

自具足檀波羅蜜，亦教人具足檀波羅蜜¹³²，讚歎具足檀波羅蜜法，歡喜讚歎具足檀波羅蜜（568b）羅蜜者；尸羅、羼提、毘梨耶、禪、般若波羅蜜亦如是。

復次，菩薩摩訶薩欲成就阿耨多羅三藐三菩提，自行內空，亦教人行內空，讚歎行內空法，歡喜讚歎行內空者；乃至無法有法空亦如是。

自行四念處，亦教人行四念處，讚歎行四念處法，歡喜讚歎行四念處者；乃至八聖道分亦如是。

4、出世禪等

自修空三昧、無相、無作三昧，亦教人修空、無相、無作三昧，讚歎修空、無相、無作三昧法，歡喜讚歎修空、無相、無作三昧者。

自行八背捨，亦教人行八背捨，讚歎行八背捨法，歡喜讚歎行八背捨者。

自行九次第定，亦教人行九次第定，讚歎行九次第定法，歡喜讚歎行九次第定者。

5、諸佛功德

自具足佛十力，亦教人具足佛十力，讚歎具足佛十力法，歡喜讚歎具足佛十力者；自行四無所畏、四無礙智、十八不共法、大慈大悲，亦教人行四無所畏乃至大慈大悲，讚歎行四無所畏乃至大慈大悲法，歡喜讚歎行四無所畏乃至大慈大悲者。

¹³⁰ [亦] — 【宋】【元】【明】【宮】。(大正 25, 568d, n.4)

¹³¹ (1) 印順法師，《空之探究》，p.12：「又如四禪，四無量，四無色定，都是等至，合名十二甘露門。」

(2) 印順法師，《華雨集》(四)，pp.227-228：「與定有關的，如四禪——初禪、二禪、三禪、四禪。四無量——慈無量、悲無量、喜無量、捨無量。四無色定——空無邊處、識無邊處、無所有處、非想非非想處。這三類，綜合名為十二甘露門。」

¹³² [波羅蜜] — 【宋】【元】【明】【宮】*。(大正 25, 568d, n.6)

6、十二因緣觀

自逆順觀十二因緣，亦教人逆順觀十二因緣，讚歎逆順觀十二因緣法，歡喜讚歎逆順觀十二因緣者。

須菩提！菩薩摩訶薩欲成就阿耨多羅三藐三菩提應如是行！

7、四諦觀

復次，須菩提！菩薩摩訶薩欲成就阿耨多羅三藐三菩提，自應知苦、斷集、滅證¹³³、修道，亦教人知苦、斷集、滅證、修道，讚歎知苦、斷集、滅證、修道法，歡喜讚歎知苦、斷集、滅證、修道者。

8、二乘道果智

自生須陀洹果證智¹³⁴而不證實際，亦教人著須陀洹果中，讚歎須陀洹果法，歡喜讚歎得須陀洹果者；斯陀含果、(568c)阿那含果、阿羅漢果亦如是。

自生辟支佛道證知而不證辟支佛道，亦教人著辟支佛道中，讚歎辟支佛道法，歡喜讚歎得辟支佛道者。¹³⁵

9、大乘道果

自入菩薩位，亦教人入菩薩位，讚歎入菩薩位法，歡喜讚歎入菩薩位者。

自淨佛世界、成就眾生，亦教人淨佛世界、成就眾生，讚歎淨佛世界、成就眾生法，歡喜讚歎淨佛世界、成就眾生者。

自起菩薩神通，亦教人起菩薩神通，讚歎起菩薩神通法，歡喜讚歎起菩薩神通者。

自生¹³⁶一切種智，亦教人生一切種智，讚歎生一切種智法，歡喜讚歎生一切種智者。

自斷一切結使習，亦教人斷一切結使習，讚歎斷一切結使習法，歡喜讚歎斷一切結使習者。

須菩提！菩薩摩訶薩欲成就阿耨多羅三藐三菩提應如是行！

10、壽命成就及成就法住

復次，須菩提！菩薩摩訶薩欲成就阿耨多羅三藐三菩提，

自取**壽命成就**，亦教人取壽命成就，讚歎取壽命成就法，歡喜讚歎取壽命成就者。¹³⁷

¹³³ 滅證＝證滅【元】【明】＊。(大正 25, 568d, n.8)

¹³⁴ 智＝知【宮】。(大正 25, 568d, n.9)

¹³⁵ 《大般若波羅蜜多經》卷 448〈52 真如品〉：「應**自起證預流果智**而不證實際得預流果，亦**勸他起證預流果智**及證實際得預流果，**恒正稱揚起證預流果智**及證實際得預流果法，**歡喜讚歎起證預流果智**及證實際得預流果者。

應**自起證**一來、不還、阿羅漢果、獨覺菩提智而不證實際得一來、不還、阿羅漢果、獨覺菩提，亦**勸他起證**一來、不還、阿羅漢果、獨覺菩提智及證實際得一來、不還、阿羅漢果、獨覺菩提，**恒正稱揚起證**一來、不還、阿羅漢果、獨覺菩提智及證實際得一來、不還、阿羅漢果、獨覺菩提法，**歡喜讚歎起證**一來、不還、阿羅漢果、獨覺菩提智及證實際得一來、不還、阿羅漢果、獨覺菩提者。」(大正 7, 259c26-260a10)

¹³⁶ 自生＝自讚歎菩薩神通生【宮】。(大正 25, 568d, n.14)

¹³⁷ 《大般若波羅蜜多經》卷 448〈52 真如品〉：「應自攝受圓滿壽量，亦勸他攝受圓滿壽量，恒

自成就法住，亦教人成就法住，讚歎成就法住法¹³⁸，歡喜讚歎成就法住者。¹³⁹

※ 結成：依般若方便力而行

須菩提！菩薩摩訶薩欲成就阿耨多羅三藐三菩提應如是行，亦應如是學般若波羅蜜方便力！¹⁴⁰

二、明得無礙果

是菩薩如是學、如是行時，當得無礙色，得無礙受、想、行、識，乃至得無礙法住。¹⁴¹何以故？是菩薩摩訶薩從本已來，不受色，不受受、想、行、識，乃至不受一切種智。何以故？色不受者為非色，乃至一切種智不受者為非一切種智。」

(貳) 時會得道

說是菩薩行品時，二千菩薩得無生法忍。

【論】釋曰：

肆、明修菩提行

(壹) 明菩提行

一、示無礙因

(一) 明七心行

1、須菩提問

須菩提問：「菩薩欲成（569a）無上道者，云何應行？」

2、佛答

(1) 等心，(2) 大慈心¹⁴²

A、釋「等心」

佛答：「應起等心，於一切眾生無有偏黨。」

五眾和合，假名「眾生」，如車、如林。

「一切眾生」者，盡舉十方六道，無有遺餘。

一切眾生法，各行三分：怨、親、中人。

正稱揚攝受圓滿壽量法，歡喜讚歎攝受圓滿壽量者。」（大正 7，260a24-26）

¹³⁸ [法] — 【宮】。（大正 25，568d，n.18）

¹³⁹ 《大般若波羅蜜多經》卷 448〈52 真如品〉：「應自攝護正法令住，亦勸他攝護正法令住，恒正稱揚攝護正法令住法，歡喜讚歎攝護正法令住者。」（大正 7，260a28-b1）

¹⁴⁰ 《大般若波羅蜜多經》卷 448〈52 真如品〉：「善現！若菩薩摩訶薩欲疾成辦所求無上正等菩提，於如是法以無所得而為方便應如是住。善現！諸菩薩摩訶薩應如是學甚深般若波羅蜜多方便善巧，若如是學乃能安住所應住法。」（大正 7，260b1-5）

¹⁴¹ 《大般若波羅蜜多經》卷 448〈52 真如品〉：「若如是學、如是安住，則於色得無障礙，於受、想、行、識得無障礙，乃至於轉法輪得無障礙，於正法住得無障礙。所以者何？善現！是菩薩摩訶薩從前際來，不攝受色，不攝受受、想、行、識，乃至不攝受轉法輪，不攝受正法住。何以故？善現！色不可攝受故，若色不可攝受則非色；受、想、行、識不可攝受故，若受、想、行、識不可攝受則非受、想、行、識；乃至轉法輪不可攝受故，若轉法輪不可攝受則非轉法輪；正法住不可攝受故，若正法住不可攝受則非正法住。」（大正 7，260b5-15）

¹⁴² 修慈悲心及等心。（印順法師，《大智度論筆記》〔E021〕p.320）

佛今教菩薩等心，一切眾生皆有親愛想，莫生怨心，莫生中人心。

B、釋「慈心」

復次，眾生有二種：愛及憎。

佛言：「於一切眾生離是二心，莫生憎、愛。」

「愛」者貪欲，煩惱心，不應行；當行慈愛心。

世間法——愛念妻子、牛馬等，憎惡怨賊等。菩薩轉此世間法，但行慈愛心於一切眾生。

C、復釋「等心」

復次，「等心」者，菩薩生法喜，於一切眾生，欲令皆至佛道；菩薩自捨憎愛心，亦捨眾生憎愛心加己¹⁴³。

世間有三種人：惡、大惡、惡中惡；善、大善、善中善。

(1)「惡」者，如人以惡事加己，還報之以惡事。

諸佛法於一切眾生平等心，不應起惡念，何況起身行、口行！

(2)「大惡」者，如無人侵己，而以惡加人。

(3)「惡中惡」者，如人以好心供給慈念，而反以惡心毀害——如是等惡，名「惡中惡」。

(4)「善」者，如人以好事於己，還以善報。

(5)「大善」者，如人於己無善，而以善事利益。

(6)「善中善」者，如人以惡事害於己，而以善事乃至身命供養，是名「善中善」。

菩薩捨是三惡，過是二種善，行第六心¹⁴⁴於一切眾生。

※ 因論生論：菩薩未得法身云何能行善心

問曰：是菩薩未得法身，云何能行是心？

答曰：

(A) 菩薩難行能行，乃能成無上道

是菩薩求無上道，應行無上法，受如是難為苦行，乃成無上道。譬如估¹⁴⁵客，於險道中備受諸苦，乃得大利。

(B) 菩薩聞諸法畢竟空，深信是法故，能以身命供養怨賊

復次，是菩薩聞佛法正體——所謂畢竟空，無我、無我所，無一定實法，所見、所聞、所知皆是虛誑，如幻、如(569b)夢——深信是法故，能以身命供養怨賊。

(C) 菩薩知此身從罪業煩惱因緣生，歡喜捨此弊身而得無上道

¹⁴³ 己=已【宋】【元】【明】【宮】【石】。(大正 25, 569d, n.1)

¹⁴⁴ 案：第六心指「善中善」。

¹⁴⁵ (1) 估=賈【元】【明】。(大正 25, 569d, n.3)

(2) 估(《夂》): 5.行商, 商人。(《漢語大詞典》(一), p.1224)

復次，菩薩知此身從罪業煩惱顛倒因緣生，所見、所聞皆是虛誑罪垢之本；若有人來欲加害於我，我宜歡喜受之，以此弊¹⁴⁶身而得無上道利，何為不與！

(D) 菩薩發心利益眾生，以身教令其信受

復次，菩薩發心，深愛眾生，欲利益故，自以己身供養怨賊，欲令眾生效己所行；以有眾生說法教者不必肯受故，以身教令其信受。

(E) 菩薩求無上道，當行善中善法

復次，多有人發言¹⁴⁷求無上道而身行不稱；亦以是故，菩薩以身教之，令堅心行此難事——欲求無上道，當行善中善法，為此難事，爾乃可得。

如是等無量因緣，自以身命供養怨賊。

D、辨等心、慈心之差異

問曰：等心、慈心有何等異？

答曰：

(A) 「等心」是四無量心，「慈心」是一無量

「等心」者是四無量心，「慈心」者是一無量。

(B) 先捨怨親為「等心」，後加愍念為「慈心」

有人言：初捨怨親是「等心」，後加愍念是「慈心」。

(C) 觀眾生如無為法性為「等心」，愛念眾生為「慈心」

復次，有人言：「等心」者，觀眾生如「如、實際、法性」——是法皆無為、無量故等；愛念眾生，是名「慈心」。

E、不說「悲心」之理由

所以不說「悲心」者¹⁴⁸，

悲心或憂念眾生，積集此心，心則退沒。

或有眾生不愛¹⁴⁹菩薩悲念，言：「汝何以不自憂其身而念他人？」

慈心無如是事，易攝眾生故，但說慈心。

(3) 下意心

問曰：若眾生有三種——上、中、下；菩薩福德智慧積集故，應是大人，云何言「於一切眾生中起下意」？

答曰：

A、一切法無常，一切眾生上、中、下，皆歸磨滅

菩薩作是念：「一切法無常，一切眾生上、中、下皆歸磨滅，是中何者是大？何者是小？人以世法故有大小。」

B、業因緣在世間輪轉，貴賤大小無定

¹⁴⁶ 弊（ㄅㄨˋ）：2.破損，敗壞。5.壞，低劣。（《漢語大詞典》（二），p.1317）

¹⁴⁷ 言=意【元】【明】。（大正 25，569d，n.4）

¹⁴⁸ 者=有【宋】【元】【明】【宮】。（大正 25，569d，n.6）

¹⁴⁹ 愛=受【宋】【元】【明】【宮】【石】。（大正 25，569d，n.7）

復次，大小不定——此國以為大，餘國以為小；於此為大，於彼為小；如今世卑賤，後世為天王——如是業因緣，在世間輪轉，貴賤大小無定。如水火貴賤隨時，用捨無定。(569c)

C、菩薩知功德畢竟空，如幻、如夢，不分別有大小

復次，菩薩雖有功德，知是功德畢竟空、如幻、如夢，不著此功德，不有是大小。

D、菩薩若輕眾生，則為輕未來佛

復次，一切眾生中有佛道因緣者，唯佛能知。

菩薩作是念：「若我以¹⁵⁰眾生形貌、才能——以此事輕者，則為輕未來佛；若輕佛，則為永了¹⁵¹。」

E、菩薩誓度一切眾生，若眾生無所得，則愧對於眾生

復次，菩薩作是念：「我誓度一切眾生；若眾生無所得，我則孤¹⁵²負眾生。」譬如主人請客，則應敬客而自卑；若無所供設，是則負愧於客。

F、菩薩以自大心故易生瞋；下心則無恚恨

復次，以自大心故，則喜生瞋恚；憍慢是瞋之本，瞋是一切重罪之根。若菩薩於眾生起下心，眾生若罵、若打，則無恚恨；譬如大家打奴，奴不敢瞋恨。若菩薩自高、意下¹⁵³眾生者，眾生侵害，忿然生怒；如奴打大家，則起瞋怒。

下意有如是等種種利益故，菩薩應當行。

(4) 安隱心

「安隱心」者，與今世、後世、究竟樂，非如父母、知識與現世樂。

(5) 無礙心

菩薩若以等心、慈心、下心利益眾生時，若有不知恩人來惱菩薩，不信所行，謂為欺誑，為求名故，無有實事；又為魔所使，來惱菩薩，惡中之惡，不識恩分。菩薩等心，於此通達無礙。

(6) 無惱心

得是無礙心已，眾生雖有大罪大過，但欲利益，不生惱心。慈心、安隱，無礙、不惱心。

(7) 愛敬心

譬如孝子愛敬父母，如兄、如弟、如姊妹、如兒女，無婬欲心而生愛敬慈念。世人但能愛敬所親，菩薩普及一切。

※ 結義：以七心行，得眾生忍

得是柔軟清淨好心，名「眾生忍」，是法忍初門。¹⁵⁴

¹⁵⁰ 以=小【宋】【元】【明】【宮】。(大正 25, 569d, n.11)

¹⁵¹ 了：3.結束。(《漢語大詞典》(一)，p.721)

¹⁵² 孤=辜【宋】【元】【宮】。(大正 25, 569d, n.12)

¹⁵³ 意下=下意【宋】【元】【明】【宮】。(大正 25, 569d, n.14)

¹⁵⁴ 眾生忍是法忍初門。(印順法師，《大智度論筆記》〔E007〕p.299)

（二）依四種正行，廣修諸道法

1、十善道

次行十善道。十善道，有佛、無佛，世間常有，是善法教。

菩薩先以四十種行，行是十善道。¹⁵⁵何以故？是菩薩深念善法，心慈眾生故。

2、十二甘露門

離¹⁵⁶欲凡夫法有十二事，亦以四十八種行。¹⁵⁷

3~10、略說八種菩薩行

六波羅蜜乃至法住，是客法，有佛說則有菩薩行。

二、明得無礙果

上來舊法、客法，¹⁵⁸本末具足，今世得善法，智慧無礙；捨身，得法身無礙，隨意至十方教化眾生，於十方佛前修集善法。

（貳）時會得道

「聞是法時，二千菩薩得無生法忍」者，

是品說如微妙深法，亦說有行——善門、智門，二行具足。

但說如法，所利少；若說有法，所利亦少。今說有、無二法，具足故，得無生法忍；譬如二輪具足故，能有所至。

此中善說二諦¹⁵⁹故，二千菩薩得無生法忍¹⁶⁰。

¹⁵⁵ 四十種行：即自作、教他、讚歎、歡喜讚歎四種正行乘以十善。參見《大智度論》卷 72〈54 大如品〉：「亦應自不殺生，亦教人不殺生，讚不殺生法，歡喜讚歎諸不殺生者……歡喜讚歎不邪見者。」（大正 25，568a12-16）

¹⁵⁶ 《大正藏》原作「難」，今依《高麗藏》作「離」（第 14 冊，1104b8）。

¹⁵⁷ （1）十二事即十二甘露門：四禪、四無量心、四無色定。

（2）四十八種行：即自作、教他、讚歎、歡喜讚歎四種正行乘以十二甘露門。參見《大智度論》卷 72〈54 大如品〉：「應自行初禪，亦教他人行初禪，讚歎行初禪法，歡喜讚歎行初禪者……歡喜讚歎行虛空處者；識處、無所有處、非有想非無想處，亦如是。」（大正 25，568a19-27）

¹⁵⁸ （1）案：本處「舊法」是指十善、十二甘露門；「客法」是指六波羅蜜乃至法住。

（2）又《大智度論》卷 46〈18 摩訶衍品〉：「十善道為舊戒，餘律儀為客。」（大正 25，395c8-9）

（3）另參見釋厚觀，《深觀廣行的菩薩道》，〈《大智度論》中的十善道〉，p.52：

即使如來未出世仍有十善道；而比丘戒等律儀必須存在於有佛時代，而且是處於惡世，眾生有犯罪因緣時佛才會制定。由於比丘戒等律儀不是永遠存在的，故稱為「客」或稱為「新戒」；而十善道於有佛無佛常有，故為「主」或稱為「舊戒」。

¹⁵⁹ 二諦：說有說無。（印順法師，《大智度論筆記》〔E002〕p.286）

第一義諦——空行——智門 但說此，利小。

二法具足，能有所至，善說二諦

俗諦——有行——善門 但說此，利少。

（印順法師，《大智度論筆記》〔B027〕p.164）

¹⁶⁰ 忍+（釋第五十三品竟）【石】。（大正 25，570d，n.2）

